



Volume 2, Issue 2(15), 2023

Journal of Physics and Technology Education



<https://phys-tech.jdpu.uz/>

Chief Editor:

Sharipov Shavkat Safarovich

Doctor of pedagogy, Professor, Rector of Jizzakh State Pedagogical University, Uzbekistan

Deputies Chief Editor:

Sodikov Khamid Makhmudovich

The Dean of the Faculty of Physics and Technological Education, dotsent

Orishev Jamshid Bahodirovich

Teacher of Jizzakh State Pedagogical University, Uzbekistan

Members of the editorial board:

Ubaydullaev Sadulla, dotsent

Ismailov Tuychi Djabbarovich, dotsent

Kholmatov Pardaboy Karabaevich, dotsent

Umarov Rakhim Tojievich, dotsent

Murtazaev Melibek Zakirovich, dotsent

Abduraimov Sherzali Saidkarimovich, dotsent

Taylanov Nizom, senior teacher

Tagaev Khojamberdi, senior teacher

Tugalov Farkhod Karshibayevich, PhD

Alibaev Turgun Chindalievich, PhD

Yusupov Mukhammad Makhmudovich, PhD

Kurbanov Nuriddin Yaxyakulovich, PhD

Irmatov Fozil Muminovich, PhD

Editorial Representative:

Jamshid Orishev

Phone: +998974840479

e-mail:

jamshidorishev@gmail.com

ONLINE ELECTRONIK JOURNAL

“Fizika va texnologik ta’lim” jurnali

Журнал “Физико-технологического образования”

“Journal of Physics and Technology Education”

Indexed By:



Published By:

<https://phys-tech.jdpu.uz/>

Jizzakh State Pedagogical University, Uzbekistan

Nashr kuni: 2023-04-25

KALENDARLAR VA ULARNING TURLARI

Igamkulova Zilola Murodovna¹, Qarshiboyeva Bonu²

¹JDPU, Fizika va uni o’qitish metodikasi kafedrasi o’qituvchisi, ²Fizika-astronomiya yo’nalishi talabasi, Jizzax sh., O’zbekiston
e-mail:igamkulovazilola@gmail.com

Annotatsiya: Kalendarlар va ularning turlaridan unumli foydalanish hamda uning istiqbollari. Kalendarlар, oy-hijriy kalendarlари, yulyan kalendari grigori kalendarlари to’g’risida ma’lumotlar keltirilgan.

Kalit so’zlari: oy-hijriy kalendarlari, quyosh kalendari, Yulyan va Grigoryan kalendarlari.

Abstract: This article presents scientific considerations regarding Calendars and their use in everyday life and in modern education. Historical information about calendars, lunar-Hijri calendars, Julian calendar, Gregorian calendars is described in detail. It was discussed that the application of the above-mentioned calendars in the necessary directions is very important and urgent for future development.

Key words: lunar-Hijri calendar, solar calendar, Julian and Gregorian calendars.

Аннотация: В данной статье представлены научные соображения относительно календарей и их использования в повседневной жизни и в современном образовании. Подробно описаны исторические сведения о календарях, лунно-хиджрийских календарях, юлианском календаре, григорианском календаре. Обсуждалось, что применение вышеупомянутых календарей в необходимых направлениях очень важно и актуально для дальнейшего развития.

Ключевые слова: лунно-хиджрийский календарь, солнечный календарь, юлианский и григорианский календари.

Uzoq muddat oraliqlarini vaqt birliklari – yillar, oylar, haftalar va kunlar bo‘yicha sistemaga solish kalendar deb yuritiladi.

Vaqtni o‘lchash kabi, kalendarlarni tuzish ham osmon jismlarining davriy harakatiga asoslanadi. Kalandarni tuzishning qiyinligi shundaki, osmon jismlaridan birortasining davri ikkinchisining davri bilan aniq (ya’ni qoldiqsiz) o‘lchana olmaydi. Masalan: Yerding Quyosh atrofidagi aylanish davri-bir yilni sutkalarda ifodalasak, u taxminan 365,25 sutka chiqadi, ya’ni qoldiq-yuzdan yigirma besh sutkaga (taxminan olti soatga) teng bo‘ladi. Oy davri bilan hisoblashganda esa, bir yilning ichida 12 oy-u yana o‘rtacha o’n bir sutka qoldiq qoladi. Oy davri uzunligini sutkalarda ifodalansa, 29 sutka-yu yana yarim kun, ya’ni 12 soatdan ko‘proq vaqt ortib qolada va hokazo.

Shuning uchun kalendarlar, qaysi osmon jismining davrini asos qilib olinishiga ko‘ra, har xil bo‘ladi. Agar asos qilib Oyning Yer atrofida aylanish

sinodik davri - 29,53 sutka olinsa, bu kalendar Oy kalendarasi, agar Quyoshning Yer atrofidagi yillik ko‘rinma harakatining davri (bu harakat Yerning Quyosh atrofidagi haqiqiy harakati tufayli sodir bo‘ladi) asos qilib olingan bo‘lsa, bunday kalendar Quyosh kalendarasi deb yuritilada. Ba’zi kalendarlarda har ikkala osmon jismining davrlari birligida asos qilib olinadi, bunday kalendar quyosh-oy kalendarasi deb yuritiladi.

Oy-hijriy kalendarasi. Milodning 631 yilda islom dinining asoschisi Muhammad payg‘ambar, ungacha qo‘llanilib kelingan va yilining uzunligi 12, ba’zan 13 oylik yahudiyarning quyosh-oy kalendarasi o‘rniga musulmonlar uchun yilning uzunligi 12 sinodik oydan iborat bo‘lgan oy kalendarini joriy qiladi. Mazkur kalendar yilining uzunligi 354 yoki 355 kundan ($12 \times 29,53$) iborat bo‘lib, Quyosh kalendarasi yilining uzunligidan o‘rtacha o‘n bir sutkaga kamlik qiladi.

Musulmonlar kalendarining erasi hijriy era (“hijrat” arabcha – ko‘chib o‘tmoq demakdir) deb yuritilib, Muhammad payg‘ambarning Makkadan Madinaga ko‘chib o‘tgan yilining boshidan hisoblanadi. Bu kun grigorian kalendarasi bo‘yicha 622 yilning 16 iyul, juma, “yangioy” ko‘ringan kuniga to‘g‘ri keladi. Musulmonlar kalendarida yilning oylari quyidagicha nomlanadi:

Muxarram	30	Rajab	30
Safar	29	Sha’bon	29
Rabi al–avval	30	Ramazon	30
Rabi as– soni	29	Shavval	29
Jumada al–avval	30	Zul–qa’da	30
Jumada al–oxira	29	Zulhijja	29(30)

Xijriy yilning uzunligidan ma’lumki, uning yangi yili biz ishlatalayotgan kalendarikiga mos kelmaydi. Oy – hijriy kalendarasi bo‘yicha yangi – 1429 yil 2008 yilning 10 yanvar payshanba kuni kirgan.

Quyosh kalendarasi. Endi kundalik foydalanayotgan o‘zimizning melodiy kalendar tarixi haqida to‘xtaylik. Bundan qariyb ikki ming yil oldin misrlik astronom Sozigen, tropik yilning uzunligini (365,25 sutkani) butun sutkalarda ifodalash maqsadida, ketma–ket kelayotgan uch yilning 0,25 sutkalik qoldig‘ini tashlab yuborib, uzunligini 365 kundan, to‘rtinchchi yilni esa qoldiqlarni e’tiborga olgan holda, $366 = 365 + (4 \times 0,25)$ kundan qilib hisoblashni taklif etdi.

Bu taklif o‘sha davrda kalendarni isloq qilish ilinjida yurgan Rim sarkardasi Yuliy Sezarga ma’qul tushdi va eramizdan oldin 45 yilda Sozigen taklif qilgan kalendarini joriy qilishga to‘g‘risida qaror chiqardi. Mazkur kalendar Yuliy Sezar sharafiga yulian kalendarasi deb nom oldi. Islohotda, tartib nomeri 4 ga qoldiqsiz

bo‘linadigan yillar kabisa yillar deyilib, 366 kundan, qolgan yillar esa, oddiy yillar hisoblanib, 365 sutkadan qilib olinsin deyilgan edi. Bu islohot qabul qilingunga qadar, qadimgi rimliklar, dastlab yilining uzunligi 304 kunlik (10 oylik) keyinroq borib, yil boshi mart oyining boshiga to‘g‘ri keladigan va uzunligi 365 kunli quyosh-oy kalendari bilan ish ko‘rar edilar. Eramizdan oldingi 45 yilga kelib, yil boshi birinchi martdan, Rimda yangi saylangan konsullar taxtga o‘tiradigan kun—1 yanvarga ko‘chirildi. O‘rta asrlarda astronomik kuzatishlar, yilning uzunligi, ya’ni Yerning Quyosh atrofidagi aylanish davrini aniq o‘lchash imkonini berdi. Aniqlashicha bu davr, 365 sutka-yu 6 soat emas, balki 365 sutka-yu 5 soat-u 48 minut, 46 sekund ekanligi ma’lum bo‘ldi. Boshqacha aytganda, yil uzunligi Yulian kaledarida qabul qilinganidan 11 minut-u 14 sekundga qisqa bo‘lib chiqdi. Binobarin, Yulian kalendari bo‘yicha eski yil tutagach, kishilar yangi yilni qabul qilavermasdan yana qo‘srimcha 11 minut-u 14 sekund kutib turganlar. Yillik bu xatolik juda katta bo‘lmay, yig‘ilib 128 yilda bir sutkaga yetadi, yuz yillar ichida esa xatolik bir necha sutkani tashkil etadi. XVI asrga kelib Yulian kalendarining xatoligi 10 sutkadan oshib ketdi. Natijada 21 martda kuzatiladigan bahorgi tengkunlik, bu davrda 11 martga to‘g‘ri kelib, ko‘pchilikni, ayniqsa, cherkov axlini katta tashvishga solib qo‘ydi. Gap shundaki, IV asrda Nikeyda (Turkiya) imperator tomonidan yig‘ilgan soborda, xristianlar uchun eng qutlug‘ sanalgan pasxa bayrami o‘sha davrda 21 martga to‘g‘ri keladigan bahorgi tengkunlik bilan bog‘langan edi. Bahorgi tengkunlikning 21 martdan siljib ketishi, vaqt o‘tishi bilan pasxa bayramini ham bahordan yozga tomon siljishiga olib kelardi. Bundan xavotirga tushgan Rim papasi Grigoriy X 111 1582 yilda astronomlardan iborat komissiya tuzishga qaror qildi. Ushbu komissiya uzoq ishlab, oxiri Perudji universitetining o‘qituvchisi, vrach Luidji Lillioning loyihasini ma’qul topdi. Lillioning yangi loyihasi, IV asrdan buyon yig‘ilgan o‘n kunlik xatoni tashlab yuborishni va keyingi 100 yilliklarda (1600, 1700, 1800 va h-zo) 400 ga qoldiqsiz bo‘linmaydigan yuz yilliklarni oddiy yillar deb hisoblashni taklif etgan edi. Mazkur loyihami rim papasi Grigoriy XIII 1582 yilning 24 fevralida maxsus qaror bilan qabul qildi. Papa Grigoriy XIII ning bu islohotining birinchi muddasida: “1582 yil 4 oktyabrning ertasi kuni 5 oktyabr o‘rniga 15 oktyabr deb xisoblansin” deyilib, uning ikkinchi muddasida yuz yilliklar ichida faqat 400 ga qoldiqsiz bo‘linadigan yillargina kabisa yillar hisoblanib, qolganlari oddiy yillar hisoblansin deyildi. Shundan so‘ng ko‘p o‘tmay 1600 yili kabisa yili deb qabul qilinib, 1700, 1800 va 1900 yillar esa oddiy yillar (aslida bu yillar yulian kalendari bo‘yicha kabisa yillar hisoblanardi) hisoblanadigan bo‘ldi. Shunday qilib, Yulian kalendari bo‘yicha 400 yil ichida yig‘iladigan taxminan 3 kunlik xatolik, bu davr ichida

keladigan 4 ta yuz yilliklarning 3 tasini oddiy yillarga aylantirish yo‘li bilan yo‘qotildi. Bu kalendar keinchalik islochchi papa Grigoriy XIII sharafiga uning nomi bilan Grigorian kalendar deb ataladigan bo‘ldi.

Grigorian kalendar sobiq Ittifoqda 1918 yili xalq komissarlari Sovetining dekreti bilan qabul qilindi va 1918 yil 31 yanvarning ertasi kuni 1 fevral o‘rniga 14 fevral deb yuritildi, chunki XX asrga kelib Julian kalendarining xatoligi 13 kunga yetgan edi. Grigorian kalendar ham xatolikka ega bo‘lib, bu xato yig‘ilib – yig‘ilib 3300 yilda 1 sutkaga yetadi.[38-bet]

Julian kunlari. Odatda hayotda ikki yirik hodisasi orasidagi farqni kunlarda hisoblash katta ahamiyatga ega. Buning uchun bu hodisalar orasidagi kabisa yillar soni, kalendarning birinchesidan ikkichisiga o‘tishda islohot va dekretlar tufayli “yo‘qolgan” yoki “qo‘shilgan” kunlarni hisobga olishga to‘g‘ri keladi. Bu masala, astronomiyada shartli qabul qilingan *yulian davri* yoki *yulian kunlari* yordamida oson yechiladi. Julian kunlarining boshi, Grinvichning o‘rtacha quyosh vaqtiga (dunyo vaqtiga) bo‘yicha tush paytiga to‘g‘ri kelib, eramizdan oldin 4713 yilning 1 yanvarga mos keladi. Julian kunlarining boshlanishi, shartli bo‘lib, eramizning XVI asrida Skaliger tomonidan taklif qilgan edi.

Julian davri deb yuritiladigan davr 7980 yil bo‘lib, bu-quyidagi uch davrning ko‘paytmasidan kelib chiqadi: $28 \times 19 \times 15 = 7980$. Ular quyidagi davrlardir.

1. 28 yillik davr, shunday davrki, bu davrdan so‘ng hafta kunlarining ixtiyoriy oy kunlari (chislolari) buyicha taqsimlanishi qaytariladi (Masalan: 2000 yilning 1 yanvari shanbaga to‘g‘ri kelsa, yana 28 yildan so‘ng 1 yanvar shanbaga to‘g‘ri keladi).

2. 19 yillik davrdan so‘ng Oy fazalarining oyning bir xil kunlariga (chislolariga) to‘g‘ri kelishi qaytariladi.

3. 15 yil esa, Rimda qo‘llanilgan soliq sistemasining davridir. Bu davrning qadimda qabul qilingan birinchi nomeri, eramizdan oldingi 4713 yilning 1 yanvariga to‘g‘ri keladi. Bu kunlarni va 7980 yillik davrni Skaliger o‘z otasi Yuliy sharafiga "yulian kunlari" deb atashni taklif qilgan bo‘lib, Julian kalendarining asoschisi – Yuliy Sezar bilan hech qanday umumiylikka ega emas.

Foydalanilgan adabiyotlar.

1. Mamadazimov M. “Umumiy astronomiya”, Darslik, T., Yangi asr avlod, 2008 y
2. Mamadazimov M., Tillaboyev A va boshqalar. “Astronomiya kursi (Umumiy astronomiya) dan laboratoriya ishlari”, Metodik qo‘llanma, T., TDPU, 2015 y.
3. Mamadazimov M., Kosmonavtika asoslari (darslik), Toshkent, “Voris”, 2009 й.